

佛本行集經卷第五十五

與五

羅睺羅因緣品第五十六之一

隋天竺三藏法師闍那崛多譯

又於一時輸頭檀王白佛言世尊願佛及僧受我明朝所設飲食于時世尊默然而許輸頭檀王既見世尊默然許已從坐而起頂禮佛足圍繞三匝辭退而去至本宮已即於彼夜辦具微妙多種飲食所謂餐食嚙食唼食陳食辦具已訖過夜至朝灑掃鋪設即遣使人白世尊言今已時至飲食備辦唯願降赴

爾時世尊日在東方著衣持鉢諸比丘僧左右圍繞佛為道首來至輸頭檀王宮內到已坐於所設佛座諸比丘僧各各依次如法而坐爾時輸頭檀王以佛為首諸比丘僧次第坐已自手行諸微妙飲食盡其種數乃至唼喙悉令充飽稱意自恣既見佛僧飲食飽已洗治鉢器將置別處一小座上却在一面既安座已輸頭檀王而白佛言唯願世尊教誨於我又願世尊善逝示現令我長夜常得利益安樂之事爾時世尊告輸頭檀作如是言

大王今日若知時者應須捨此聽法之事亦復不須數來問訊諸比丘等王身不久應自得其最勝妙果於時世尊方便教化輸頭檀王說法顯示今其解悟令歡喜已從座而起還於本處輸頭檀王又於一時因舍利弗得法眼淨兼得證於須陀洹果而淨飯王已得諸法已證諸法已入諸法已度諸疑心無有惑已得無畏更不復問自餘法行悉證知已詣向佛所而白佛言善哉世尊唯願度我出家入道受具足戒爾時世尊作如是念輸頭

檀王於此教中捨家出家復更能證勝上法不爾時世尊思惟是已自證知此輸頭檀王決定不合捨家出家亦不得證勝上之法如是知已而告之言大王今日若知時者但在本家行檀布施造福業耳至於後日摩訶波闍波提大夫人四五請佛及僧供給飲食悉令飽滿至第三日第一宮內諸妃眷屬又復請佛及比丘僧供給餚饍亦悉充足至第四日其第二宮又復請佛及比丘僧供奉種種百味餚饍亦悉充足其羅睺羅如來出家六年已

後始出母胎如來還其父家之日其羅睺羅年始六歲爾時如來至迦毗羅婆蘇都城羅睺羅母作如是念我昔因此羅睺羅故爲諸眷屬之所誹謗今日時至我於彼事應自清淨以明其身以是因緣必須請佛及比丘僧布施飲食及請一切諸眷屬等以自明白耶輸陀羅作是念已於其彼夜辦具種種微妙飲食既備辦已過於彼夜即遣使人往白佛言所設飲食辦具已訖世尊知時兼告一切諸眷屬等悉今聚集來赴所請爾時世尊於

晨朝時日在東方著衣持鉢與諸比丘左右圍繞佛爲導首與大比丘一千二百五十人俱詣向王宮如所鋪座次第而坐爾時羅睺羅母別作一枚大歡喜丸喚羅睺羅內著手裏作如是言汝羅睺羅往至比丘僧衆之內是汝父者施歡喜丸羅睺羅母復告一切諸眷屬言是羅睺羅今當覓父時羅睺羅持歡喜丸徧觀一切諸比丘已直往佛邊而白佛言如是沙門陰涼快哉如是沙門陰涼快哉爾時輸頭檀王白佛言世尊此事云何耶輸

陀羅頗有如此過患以不爾時世尊告輸頭檀王作如是言大王今者莫作是疑耶輸陀羅無此過患其羅睺羅真我之子但是往昔業緣所逼在胎六年爾時輸頭檀王及諸眷屬聞佛此語皆悉歡喜踊躍徧身不能自勝各各以手持諸種種飲食餚饍供佛及僧令得充足自恣飽已佛及大衆洗鉢澡手各持小座繞佛左右却坐一面爾時輸頭檀王以敬佛故不能廣問如上因緣而白衆中諸比丘言願諸師等請問世尊其羅睺羅及耶輸

陀羅往昔造業因緣之事爾時諸比丘即白佛言是羅睺羅往昔造作何業因緣以何業報處胎六歲耶輸陀羅復作何業懷孕六年爾時佛告諸比丘言我念往昔過無量世時有一王婆羅門種名曰人天生其二子大者名日次者名月其大王子恒不樂世願欲出家經未多時其王人天算盡命終命終之後其子日月互相推讓其長子言汝當爲王治國政事其第二子復語彼言汝當爲王治國政事其日王子告月王子復作是言汝必爲

王我當捨家而出家也時月王子復白彼兄  
作如是言汝既長大王位當汝我不合受其  
日王子復告其弟月王子言凡受王位先作  
何法其月王子復報彼言先班號今其日王  
子復問彼言<sup>典五</sup>世若有人違號今者當合何罪  
其月王子復<sup>四</sup>報彼言必須重罰罪之重者其  
日王子復語其弟月王子言依其道理我合  
得王我今但捨王位付汝汝當作王我欲捨  
家而出家也時日王子以其王位付月王子  
遂即捨家出家修道其日王子所有眷屬皆

隨出家時日仙人作如是念此等諸人依我  
出家我今既與此輩爲師當須勤學求於道  
業以勝於彼作是念已因發誓言願我此身  
從今已後若非他施不得自取乃至一物水  
及楊枝爾時仙人至於一時忘失本念他不  
施與藥草根等及以諸果而自取食又時夜  
渴見他澡盥謂言自許遂取而飲而自澡盥  
在於一邊時彼仙人本澡盥主見自澡盥空  
無有水而問之言是誰取我澡盥中水此乃是  
賊住居之處本非仙人所居地也時彼仙

人取水飲者見自澡盥水滿其中在於一邊  
遂報彼言我不知故取汝水飲謂言我許而  
彼仙人告彼飲水日仙人言汝若飲者善哉  
快哉爾時錯誤飲水仙人正自思念我已違  
失昔日誓言爲不善也此非仙法我今云何

庚五

五

不與不受諸藥草根及果子等而自食之復  
取他水而自飲也以此因緣悵快不樂心生  
憂惱存地上思惟正念憂愁此事爾時弟  
子摩那婆輩便即詣向日仙人所頂禮其足  
如法承事而彼仙人告彼弟子摩那婆言汝

等童子從今已後莫頂禮我何以故我於今  
日已成賊也彼諸童子即問王仙作如是言  
優波陀事云何也時日王仙便報彼等摩那  
婆言汝等童子今須知我不從他邊受得藥  
草根及果等復取他水而自飲之作是語已  
彼等童子尋復白彼日王仙言師於今者莫  
作是語所食飲者一切皆是優波陀物時日  
王仙復語彼等摩那婆言汝等知我不從他  
得而自取不然我今者不從他得草藥根果  
及澡盥水而自取飲我已成賊是故汝等當

罰我罪如治賊者等莫有異時諸童子咸白  
彼仙我不敢決優波陀罪優波陀弟今者作  
王現領此境如法治化至於彼邊必能治罰  
優波陀也爾時王仙詣月王所於時月王既  
聞此事知其日王欲來其邊即辦四兵出迎  
城外日王到已頂禮其足時日王仙止月王  
言莫禮我足所以者何我今是賊大王必須  
治罰我罪如賊莫異爾時彼王即問其兄曰  
仙人言聖者今日作何賊也彼時仙人報月  
王言大王當知我在空閑清靜樹林修道之

時不從他得藥草根果并取他水而自飲也  
爾時彼王聞此語已煩冤懊惱嗚噎悲啼涕  
淚滿面作是思惟如此仙人功德本行自來  
清淨無有過患云何今日可罪罰也作是念  
已報王仙言我許諸仙取諸果子及藥草根  
乃至水等自食自飲是故仙人所食之者皆  
是已物大仙非賊亦不可罰時日王仙告月  
六五王言大王今日始許斯事非昔日也王復白  
言我昔初承王位之時即有此語我施沙門  
及婆羅門草木及水隨意用食是故大仙實

非賊耳我於今者云何罰罪而彼王仙復告  
王言善哉大王我今已造不善之事自念不  
能消此過罪我既取他澡盥水飲是故大王  
須治罰我如賊無二爾時月王有一外甥在  
彼衆會而彼外甥白月王言大王但與此仙  
決罪勿令此仙煩冤懊惱爾時月王白彼仙  
言事若爾者入在我苑止住修道爾時月王  
令此仙人入其苑已尋即廢忘不復更憶至  
於六日然後始念喚諸臣佐諸卿等輩彼仙  
在苑出去已未爾時諸臣白月王言彼之仙

人猶未出苑仍在園內爾時月王放赦天下  
一切囚繫乃至飛走諸禽獸等別喚彼仙布  
施種種甘美飲食而白之言惟願大仙隨意  
而去放已月王心懷不樂我於此仙已有罪  
過因此仙人必得罪失爾時佛告諸比丘言  
若有心疑於第七五時王仙號名日者此是誰也莫  
作異見我身是也汝等比丘若有心疑當於  
彼時王名月者此是誰也莫作異見即羅睺  
羅是其人也爲其將彼仙人入苑住六日故  
因彼業報住於生死煩惱之中無量受苦因

其餘業復在母胎止住六歲汝諸比丘我念  
徃昔過無量世有一群牛在於牧所其牛主  
妻自將一女徃至牛群擎取乳酪所將二器  
並皆盈滿其器大者遣女而負其器小者身  
自擔提至其中路語其女言汝速疾行此間  
路險有可怖畏爾時彼女語其母言此器大  
重我今云何可得速疾其母如是再語三語  
汝速疾行今此路中大有恐怖爾時彼女而  
作是念云何遣我負最大器更復催促遣令  
急行其女因此便生瞋恚而白母言母可且

兼將此乳器我今暫欲大小便耳而彼女眾  
取此大器負擔行已其女於後徐徐緩行爾  
時彼母兼負重擔遂即行至六拘盧舍爾時  
佛告諸比丘言汝等若有心疑彼女有瞋恚  
心乃遣其母負重行六拘盧舍者莫作異見  
耶輸陀羅釋女是也既於彼時遣母負重行  
其道路六拘盧舍由彼業報在於生死煩惱  
之內受無量苦以彼殘業今於此生懷胎六  
歲諸比丘所有諸業非是虛受隨造善惡還  
自受之是故汝等諸比丘輩恒須捨此身口

意惡何以故作身口意善惡因緣汝諸比丘  
現見如是善惡果報汝等比丘應當如是修  
學善業爾時世尊與淨飯王及彼大衆說微妙  
法使今歡喜顯示宣通教化訖已從座而  
起還於本處爾時羅睺羅母遣羅睺羅往向  
與五父邊乞取父封時羅睺羅隨佛而行且行且  
語作如是言唯願沙門與我封邑唯願沙門  
與我封邑爾時世尊自授手指與羅睺羅時  
羅睺羅執佛指已傍佛而行爾時世尊將羅  
睺羅至於靜林遙喚長老舍利弗言汝舍利

弗將羅睺羅今其出家時舍利弗而白佛言  
如世尊教承佛教已度羅睺羅而出家也爾  
時世尊爲諸比丘制禁戒時其羅睺羅甚大  
歡喜遂受禁戒如法奉行所以者何教法應  
爾其舍利弗依佛教戒攝受教示當爾之時  
有善男子皆悉獲得正信正見何以故並欲  
出家求無上道諸梵行故利益現自證見法  
故自證知已口自唱言諸漏已盡梵行已立  
所作已辦不受後有其羅睺羅亦復如是自  
證其心得正解脫世尊即記告諸比丘當知

我之聲聞弟子持戒之中其羅睺羅最為第  
一此摩訶僧祇師作如是說其迦葉維復有  
別說當爾之時輸頭檀王辦諸食已即喚宮  
與五  
內諸眷屬等勅告之言汝等今者勿令一人  
示羅睺羅言悉達多是汝之父何以故恐羅  
睺羅聞已即隨其父出家時淨飯王於其彼  
夜備辦種種甘美飲食餐歟唼味辦具已訖  
九  
過彼夜分始晨朝時鋪設諸座將羅睺羅及  
諸侍從童男童女左右圍繞並遣將入阿輸  
迦林然後發使往白佛言食時已至飲食已

辦願尊知時爾時世尊日在東方著衣持鉢  
諸比丘僧左右圍繞在前而行相隨往詣輸  
頭王宮到已即於先所鋪座次第而坐時羅  
睺羅見彼童男及童女等各各亂行漫遊漫  
戲而諸乳母亦不遮斷共相戲笑遂私便從  
阿輸迦林漸入王宮往見世尊及比丘衆見  
已頂禮禮已即便昇樓閣上當於彼時羅睺  
羅母先在樓閣觀見世尊剃頭鬚髮身著袈  
裟見已悲泣而有偈說

大王釋子新婦者 其名號曰輸陀羅

見夫如是出家相 心懷悲泣自懊惱

時羅睺羅問其母言聖者何故悲啼如此其母報子羅睺羅言身體金色在沙門衆即是汝父時羅睺羅復白母言如是聖者我生已來未曾憶念有如是等快樂之事作是語已從樓閣上速疾而下詣向佛所入佛衣裏隱藏而住時諸比丘即欲遮斷佛告之言汝諸比丘莫復遮斷但今入我衣內而住爾時輸頭檀王見佛及僧次第而坐自手奉過種種清淨甘美餚饍所謂餐歠唼嚙等食悉令飽

滿自恣充足爾時世尊飯食已訖洗鉢澡手將一小座却坐一面即爲父王而作願言祭祀火爲最 諸偈歎爲最 人中王爲最諸流海爲最 星宿月爲最 諸明日爲最上下及四方 及於衆生輩 若天若人者與五諸佛是爲最

爾時世尊爲淨飯王以此偈句呪願已訖即從坐起隨緣而去爾時輸頭檀王於後檢校事務東西行時其羅睺羅已遂世尊出於宮外既出宮已還欲來入於時世尊自授手指

與羅睺羅令其執捉時羅睺羅其身上分安  
隱快樂譬如以繩繫諸鳥足更不復離如是  
依附著世尊已即將往至尼拘陀林爾時世  
尊告羅睺羅作如是言汝羅睺羅汝能隨我  
出家以不時羅睺羅而報佛言我實如是能  
出家也爾時世尊告諸比丘作如是言汝諸  
比丘我於今者令羅睺羅捨家出家遣舍利  
弗以爲和尚爾時諸比丘作如是念世尊昔  
日曾告我等作如是言若有年歲不滿二十  
不得爲受具足禁戒而羅睺羅今始十五我

等爲當依佛昔教爲當更復別有所以作是  
念時即將前事具白世尊爾時佛告諸比丘  
言汝諸比丘當知十五而出家者可爲沙彌  
爲和尚爾時輸頭檀王發遣世尊及比丘僧  
諸眷屬等然後方自欲坐食時而作是言汝  
與三等當喚羅睺羅來與我共食爾時左右處處  
求覓了不能得還至王所俱白王言大王我  
今求羅睺羅莫知所在爾時輸頭檀王復告  
之言汝等往至阿輸迦林及諸宮內處處求

覓時彼左右復即往至阿輸迦林及諸宮內求亦不得來告王言往至彼處求亦不見爾時輸頭檀王復告之言速往至於尼拘陀園或非世尊將今出家如是去也爾時左右聞王此勑速即至彼尼拘陀園處求覓見羅睺羅已爲世尊遣令出家見已還宮而白王言大王當知其羅睺羅已被世尊放令出家王聞是已迷悶躋地經於少時還得惺悟從城出至尼拘陀林到於佛所頂禮佛足却坐一面而白佛言世尊往昔在家之日諸解相

師婆羅門等已曾授記若其在家必當得作轉輪聖王世尊今已捨家出家我見世尊出家之後作是思惟欲以王位付與難陀世尊於後復令出家彼既出家我復思惟令阿難陀紹其王位復爲世尊已放出家彼出家後

我復作念當欲令彼阿尼樓陀紹其王位復爲世尊放令出家彼出家後我復作念婆提王聞是已迷悶躋地經於少時還得惺悟從城出至尼拘陀林到於佛所頂禮佛足却坐欲留羅睺羅擬付王位復爲世尊將出家也世尊如是將羅睺羅出家之後豈不斷我王

種姓耳復次世尊雖復如此兼戀子情穿徹皮肉筋骨及髓是故世尊從今日後作如是教制諸比丘有出家者令詣父母許出家已然後乃放爾時佛告輸頭檀王如大王意我不違也我必當教作如是事作是語已爾時世尊向淨飯王說諸法義顯示教化令王欣悅加其威力復令歡喜爾時輸頭檀王既歡喜已從坐而起頂禮佛足繞佛三匝辭退而去還其宮內爾時世尊以此因緣集比丘僧而告之言汝等比丘當知兒子於其父母報

恩最難所以者何然其父母難作能作顯亦世間長育諸陰故令乳哺養成身體是故汝等諸比丘輩從今已去若善男子善女人等求出家者先須令彼詣其父母然後乃聽若不許可放出家者須如法治我今日後立如是制凡人來投請出家者先須問言汝之父毋生存以不彼人若報云我父母現今生在方更問言後當聽汝出家以不然其五師或有異說作如是言其羅睺羅生二年後菩薩爾時方始出家苦行六年然後成道成道七

歲方始來向迦毗羅城如是次第數維睂羅  
出家之日正年十五或有諸師作如是說波  
闍波提見其菩薩捨家出家爲此因緣憂愁  
懊惱啼哭之時眼壞失明然佛世尊已證阿  
耨多羅三藐三菩提過十二年然後方還迦  
毗羅城欲於眷屬現憐愍故爾時輸頭檀王  
與五十三及諸宮內一切眷屬左右圍繞王爲導首在  
前而行爾時復有同姓種族合有九萬九千  
人俱同來見佛其摩訶波闍波提憍曇彌同  
在彼衆往詣佛所爲看其子羅睺羅故爾時

如來現雙神變爾時摩訶波闍波提憍曇彌  
既聞他說今我之子顯現神通所謂於身下  
分放其燄火於身上分出其冷水如是聞已  
歡喜踊躍徧滿其體不能自勝往詣佛所到  
佛所已爲敬佛故取其佛身所流之水自灑  
已身及以洗面爾時世尊爲令摩訶波闍波  
提起於慈悲徧滿其體受其快樂其所壞眼  
尋得清淨勝於本時爾時摩訶波闍波提即  
於佛邊更增信敬時諸比丘又白佛言希有  
世尊云何今此摩訶波闍波提憍曇彌爲世

尊故憂愁啼泣失壞其目復因世尊還得清淨爾時佛告諸比丘僧作如是言汝諸比丘其摩訶波闍波提憍曇彌非但今日爲我作是憂愁啼哭失壞此眼還復因我而得清淨過去之世亦曾爲我憂愁啼哭失壞其眼復還因我眼得清明爾時諸比丘白佛言世尊此事云何願爲說之

佛本行集經卷第五十五

佛本行集經

第六五冊

音釋

妾子合切  
入口也  
東所角切  
吸也  
詆謗  
詆府尾切  
謗補曠非議  
也孕以墮切  
懷妊也  
漂盜  
漂子皓切  
古玩切  
洗滌也  
手也  
錯誤  
錯七各切  
誤五故切  
初  
催促  
從一至五切  
逼迫也  
嗚壹  
鳥哀都切  
悲嘆而聲塞也  
一結切  
胡管切  
緩遲也  
拘盧舍  
各切  
拘盧舍  
拘飼也  
蒲故切

永樂北藏

佛本行集經

第六五冊